

蒲圻縣志

名宦

本循吏而為名宦蓋一方之志不得與史同又所以別人物也蒲自設縣為循吏者史屢著之矣我

朝澄敘官方作吏尤多廉幹而蒲之人既尸而祝之或口碑載之今並采掇事實志名宦

三國吳 鎮牧

呂岱字定公廣陵海陵人嘉禾三年領潘璋士衆屯陸口徙蒲圻分武昌為兩部自武昌至蒲圻為右部岱年已八十清身奉公所在可述子凱嗣為副軍校尉監

蒲圻縣志卷八 名宦

兵蒲圻 吳志本傳

唐 令長

鄭元瑾鄭州滎陽人漢大司農當時之裔魏鴻臚少卿允伯元孫也唐武德初平蕭銑郡縣湖南元瑾首為蒲圻令時值西良水淤洳疏請改邑治於鳳山監地建署宇開學校闢土田定經制子楚基為青州司馬後族胄入相者九人

宋 令

朱壽揚州天長人紹聖中為蒲圻令拓學校興文教民俗歸厚官至少卿

簡世傑字伯俊江西靖安人隆興元年進士為蒲圻令



政本豈弟行之以信不設科條民不忍犯

湖廣總志

汪 涿字若游徽州休寧人乾道五年進士歷湖口縣  
主簿淳熙十五年擢知蒲圻修學校能政上言王者仁  
政必自均力役始孝宗嘉納之遷大理寺丞出知秦湖  
處三州轉中奉大夫封休寧縣男子棊襲蔭  
總志作汪  
薛儀老温州永嘉人端平三年授蒲圻令嚴明精敏作  
新學校先是紹興末有同族季宣者令武昌行保甲法  
便於民儀老悉倣而行之政通民和三年有成邑人張  
掖譔文紀之

元尹

王 斌至元三年爲蒲圻尹與丞簿協恭出治加意學

蒲圻縣志卷八

名宦

二

政行鄉飲酒禮五年學宮成丞鄧仔譔文紀之

韓世輔河南人至正元年爲蒲圻尹以儒飾吏明恕清  
通凡編戶籍定差法惟公惟審於學宮建敬德堂邑人  
何天駿有文紀其事

譚天祐字壽夫茶陵人至正末由薦舉爲令臨民惠和  
檢身廉慎擢知湘鄉州

明知縣

柯日新平梁人洪武初知蒲圻時瘡痍未起日新勞來  
安集疆理土田置郵建學民襁負而至

湖北通志

丁士梅洪武初由翰林編修出知蒲圻立政卓然可觀  
邑人魏觀贈以詩

通志



李居仁山東人洪武十年知蒲圻蒞事剛決興學校徙壇壝以廉慎稱

黃廣字業廣福建同安人洪武二十五年知蒲圻清儉沉穎外和內剛民就之如父母時遭旱禱雨輒應士類多弊掖之永樂五年擢知德慶州

錢昭字魯麟山東鄆城人洪武二十九年知蒲圻剛敏果斷不阿私好周知閭里利病興革悉中機宜六載以憂去

張煜字孟晦古田人翰林學士以寧之子以寧出使安南子知蒲圻宋濂有序文

吳俊字敏德四川安岳人永樂五年知蒲圻平恕廉潔不迂不苛未嘗峻拒於民民自迪教手植松於學宮

蒲圻縣志卷八 名宦

三

之東民稱爲一坡松子存性以本邑籍舉湖廣鄉試

林和生晉江人永樂中知蒲圻縣勵己公廉臨民慈愛去之日行李蕭然舊志未載照明一統志通志補入

高鼎洪熙元年知蒲圻爲政簡重臨民寬慈處僚屬以禮時有鐵丞預修大典陞秩之邑協心贊政有若傳簿宅憂之家厚致賻襚王愷撰文紀之

杜紳四川重慶人宣德三年任端慎清介不苟取與勞心撫字民德之卒於官

胡中字通德江西永新人初任丹陽教諭正統五年擢知蒲圻嚴而不迫和而有體每集諸生講學考課因



材授業多士用勸

葛鳳儀天津人成化七年知蒲圻為政嚴明果斷民畏其威凡縣署學宮賓館神壇悉革而新之勤勞匪懈日不暇食 王有三

周 洪上海人成化十七年進士明年知蒲圻督農種粟麥樹桑麻驗其勤惰而賞罰之高田置筒車下隲築陂堰民賴饒洽鄉置社學學置田三十畝令生徒父母合力耕種仍復其徭有奸法者大書木牌於其門雖權勢不避立義倉六所儲粟三萬餘石正德初大旱民猶被其餘澤 明一統志 後徵拜監察御史 舊志

羅 列南海人宏治中知蒲圻寬仁慈惠政多循良葺

蒲圻縣志卷八 名宦

學校慎令平訟獄吏民不忍欺尋徵為監察御史 湖廣總志

徐 淮字百川廣西桂林人宏治九年進士初授溧水令十八年改知蒲圻為人溫厚和易時徵派具有條理民賴以安擢通州

張 珮新淦人正德中知蒲圻縣規畫有法凡土田廣隘戶口多寡各集其數編糧稽田賦編丁均差徭編甲通供億編戶詰姦宄 湖北通志

李 邦字正卿四川巴縣人舉鄉貢初授江陵教諭正德十六年擢知蒲圻率由舊令張珮法事上以禮馭下以威民亦宜之擢知徐州 舊志

韓宗堯字仁卿廣東番禺人正德中由郴州學正知蒲



圻廉勤寬緩調安仁以直忤當道棄官去

范言浙江秀水人進士正德間任蒲圻令正直耿介不附權貴未久調去

方一桂字世芬福建莆田人嘉靖二年進士明年知蒲圻爲政簡肅振頽葺陋煥新文物暮年政成調宣城後拜監察御史

吳本固字道深河南商城人嘉靖八年進士明年知蒲圻政尙體要初至卽條上十二事一曰據丁糧以辨里甲二曰重委任以編徭役三曰省科派以節民財四曰捐不急以蘓民困五曰除積弊以均勞逸六曰禁公差以革騷擾七曰復社倉以便歛散八曰修橋梁以利濟

蒲圻縣志卷八

各宦

五

涉九曰立鄉長以息訟端十曰類錢糧以免貽累十一曰體民情以宜走遞十二曰處河泊以充課程上臺咸嘉納之薦陞戶部郎中

李桂廣西全州人舉人嘉靖二十三年令蒲寬厚平恕加意拊循時連年大旱親詣各鄉勸借富民穀數千石民賴以生陞蘓州府判去任後邑父老有談及流涕者

高邦佐浙江烏城人由鄉舉嘉靖四十三年知蒲圻廉介不畏強禦公事多捐己俸不倩派里役催科以時不准私幫而解糧亦自不累之官不攜妻子惟僕從一二

人陞知平度州



陳履字德基廣東東莞人隆慶辛未進士令蒲平易近民重士醇厚篤實人稱長者調休寧去日哭聲載途立有去思碑

胡其高字汝升四川井研人辛未進士萬歷二年自蒲城調蒲圻邑治舊若曠野高始築城民獲安處今城名胡公城立有生祠在迎薰門內豎數碑以紀其德政章嘉禎字元禮浙江德清人萬歷庚辰進士宰蒲以經術飾治與弟子員解經談文至日中方散毀邑淫祠邪俗一變時奉旨丈量公平自矢期爲蒲圖永利值父卒於途卽日棄官去惜業不竟蒲民無不追思者後陞吏部主事官至通政使

蒲圻縣志卷八 名宦

六

高舉字鵬程山東淄川人庚辰進士自完縣調補蒲圻性嚴明諳時務摘發奸伏各得其情徵拜監察御史官至浙江巡撫副都御史立有去思碑

吳宏濟字汝楫浙江秀水人萬歷丙戌進士任縣值戊子己丑旱饑拊循賑療不遺力訪積盜汪若海等笞立斃作興學校立書院人文丕變士民誦之徵拜監察御史去有碑

葉文懋字汝功浙江龍游人以萬歷壬午舉人任武昌同知己酉冬攝篆清慎明潔政有聲親賢嗜善著有省身日錄去立有碑攝篆有碑自文懋始

倪斯蕙字禹同四川巴縣人萬歷壬辰進士半度凝遠



才猷明達清而不刻嚴而不殘勤於課士精識鑒建立社倉審里甲除衙蠹正風俗載所著治蒲政中七年蒲無冤民公庭肅然內召聞者皆奔送流涕旋立碑建生祠擢吏部主事官至戶部侍郎

王之傑字世望遂寧人萬歷戊戌進士任爲政嚴肅胥吏凜然時給孤賑貧陞刑部主事有去思碑

汪有功字祖倩直隸歙縣人萬歷進士明敏峻潔甫到職杖斃數盜境內以安丞貪戾屢論不悛白按臺斥去人稱快任滿拜南京監察御史去立碑

張光前字爾荷山西澤州人萬歷進士三十九年任持躬端肅判事精明時糧冊漫滅光前照田尋米照米尋

蒲圻縣志卷八

名宦

七

戶里役不敢欺好闡揚幽隱獎拔士類任四年以艱去邑人士立去思碑建生祠後補安肅擢吏部主事歷本部郎中進大理寺少卿在吏部時以趙南星楊漣事抗疏直諫明史有傳

顧其仁字湛一四川華陽人萬歷進士四十二年任俊邁英發作興學校未幾以憂去後補東明縣擢給事中宣大勲字蓋孚雲南蒙化人萬歷進士由黃安調任吏治明通邑西北盤石湖歲水溢傷禾大勲築堤亘十里自是無水患名宣公堤任四年卒於官邑人於堤上立像祠祀之

吳炳字可先直隸宜興人萬歷己未進士四十八年



任氣度溫和斷事明慎善造士得雋者多復鄉賢名宦  
基址編審戶口登耗與張光前同稱撫按屢薦循良第  
一去立有碑生祠陞刑部主事調工部陞福州府知府  
官至江西提學

尹 洗字宇新直隸安肅人天啟進士初授祥符縣再  
補任性直率理訟無枉捐俸建魁星閣於學宮前甫再  
暮調洛陽擢給事中

曹應聘字覺菴山東滕縣人天啟中以貢知咸寧甲子  
冬署事峻肅勤敏屹然不羣人多畏服賑恤饑荒民甚  
賴之後陞慶陽同知

林增志字可任浙江瑞安人崇禎戊辰會魁本年任甫

浦圻縣志卷八

各宦

八

下車以振人文奠民命爲亟而又修學宮備祭器纂邑  
志築堤梁治候館清刑獄賑饑療疾高壘治兵暇則課  
士彙刻文珩甲乙集文風丕變五年以薦內召授翰林  
院編修癸未分典會闈明年遭李自成之亂被執不屈  
初去蒲士民立碑建祠

曾 栻字季子江西臨川人卽陳際泰序其兄弟合刻  
稿所云其年最少才最高與泰好爲奇放者也由辟舉  
考授崇禎十二年八月到職時寇氛交訐十六年春獻  
賊破蘄黃栻訓練鄉兵得三千人簡武學生侯定國爲  
率六月初一賊陷會城栻益爲城守賊以輕騎百人走  
間道偵蒲猝至河北栻揚兵沙嶺命侯定國發三矢摧



其前茅鄉勇奮出賊驚月餘不敢逼城七月十一日賊大集械單騎追擊墜馬卒王墩廟鄉民吳珊墜之廟側爲草絕以泯其迹泉司洪有匾旌珊訃其子啟視斂面如生士民哭奠蠟淚成堆乾隆四十一年

賜諡烈愍

國朝

劉禕字廣益陝西中部人丁亥進士辛卯以按察司知事委攝篆承闕冗後知錢糧侵那爲國害里甲重幫爲民害銳意釐剔七月間夙弊一清民風翕然

戴成名字泰字遼東開原人由丁亥貢士辛卯任明年壬辰夏大旱步禱秋獲僅半民諒其心時方用兵檄催

蒲圻縣志卷八 名宦

九

餉米甚急或有勸封富民倉庾者峻拒之徧諭以抵銷正項民不擾而事集兵過境悉迎犒之境獲安決訟平馭下有法重士立義學聘宿儒爲之師薦最再三以疾卒旅櫬歸衣衾弓矢數具而已邑人爲立思去碑

任遡昉字聞城四川閬中人順治十五年進士辛丑任坦易有雅量時屢歲豐雖徵索相續調發時多民力可支呼應亦便利導之而已至遇大疑必矜全之居九年未嘗大辟一人內徵旣行以疾卒於燕邸

張圻隆字禹服號箕城河南西華人由辛丑進士任勤謹仁愛自己酉楚鄖兵燹西山夫役之後庚戌辛亥蝗螟作沴民食草木暴骸遍野圻隆請蠲貸創養濟院全



活甚衆邑人馬淑昌有記越年旱圻隆步禱雨如注歲大有在任尤多捐建凡城垣城樓齋廡南漕二倉河北浮橋及學宮武廟之屬次第修舉既又續修邑志他如培士風獎善類宣教化申條約士民久猶能言之

李 清字本仁山西安邑人下車時羽檄奔馳轉輸絡繹邑久疲清晝盡善有羣虎白晝啖人清患之禱城隍又爲伏虎祠祀元壇於北郭之龍翔山虎患遂絕清政不尙刑威務在誘化自譏訓俗歌並及時行孝文諄切誠摯邑人誦之每朔望讀法擇善人高置一座惡人則跪而聽民知勸懲旋陞同知去士民遮道送者如蟻

張 芑字雪岑江南桐城人康熙中以郡通判攝篆慎

清光縣志卷八 名宦

十

決獄先是邑丁糧分課戶口籍於官者雖無田地丁不得削以故富者丁少糧多貧者有丁無糧民苦之芑爲立攤丁法民乃甦邑南密巖山有妖僧惑衆芑置之刑民遂定改本傳後攝武昌府事會裁兵夏逢龍以索餉鼓噪圍巡撫署芑正色叱之賊將加害父老數百人奔號懇救賊囚之欲授以官芑罵而裂其劄賊犯荊州芑越獄出東抵鄖穴錄狀上部請師剿賊會蘄州叛兵內訌芑與守備李稔計擒斬之駐道士泐檄屬縣討賊賊不敢東下隨振武將軍瓦復黃州獲逢龍賊平擢工部員

外郎 錄一統志

佟寧年字靜公號千山遼東人康熙丁丑任父某總督



粵東靜公到職重士愛民修學築堤咸殫竭心力營立石塔靈應山上暇則與邑文人載酒賦詩以窮山川之勝性好書過處留題而政無廢

尚 璠以武昌令署篆嚴毅質直比年荒竊盜蜂起璠分別輕重懲治之賊熄數月風還淳樸

王遴秀字嵩靈福建武平人康熙五十七年任先是五十五年水漲齧城損壞五十餘丈遴秀捐俸金補修不以派民又修築宣公堤後卒於蒲民摹其像與宣公同祀嘗建書院於準提遺址邑人士亦設龕祀之

張朱霖號百城江南太倉人乙未進士覆試第一涖事明敏獄無鉅細悉於庭訊時給讞語士民帖服新城垣

蒲圻縣志卷八

名宦

十一

浮梁神壘而雜費濫役悉革除之設東西義塾以造士明岐黃業選能醫者調以藥餌給民療病居九年以母艱去有去思碑

吳 珽字恭玉號梅谿福建將樂人癸卯進士丰姿端凝宅心寬厚創忠烈節孝祠遷社稷山川壇尤篤意學校教以禮樂舞蹈中程度士民園橋而觀者林立薦循良行取陞工部江西司主事

劉嗣孔陝西德州人乾隆元年攝篆月餘極意撫字減耗平刑民稱仁神去日士民皆祖道泣涕

王雲翔字耐菴江西新淦人雍正癸丑進士乾隆丙辰任甫下車訪包收濫派抽豐苛勒之弊令民輸銀自封



投櫃輸粟自量盪奸究責專捕役推收費給自官而櫃  
書斗級團役架閣諸弊悉除先是邑徵堤費三千緡雲  
翔減爲一千九百緡又減爲一千二百緡而爲添築外  
月隄以護二年丁巳於治南創龍門書院是年有虎爲  
文逐之未幾耕者以農器獲虎田間明年復有虎逐如  
前虎入牧人家堵門斃之是年修邑志四年己未大旱  
親詣掘泉取水禱雨立應是年重修育嬰堂雲翔泣蒲  
久百廢具興後調江夏官至漢陽府同知去之日士民  
設長生位於書院以祀

安洛德字臨叔山東舉人乾隆癸未任折獄平允試士  
公明值書院廢弛外放生息銀兩幾耗散洛德爲按名

蒲圻縣志卷八

名宦

七

追出戎廳某官箴不謹隨參之任蒲十三載皮衣祇一  
襲去之日宦橐蕭然

何光晟字曙亭湖南湘潭舉人乾隆甲午任甫下車愛  
民重士德政犁然蒲俗多溺女光晟嚴其禁薄俗以除  
四十一年丁酉麥雙歧明年重建育嬰堂積乳資四十  
五年辛丑於治北創建書院追繳在外銀兩發典生息  
束脩膏火有加每課親臨書院講授

楊清輪蘓州陽湖人乾隆甲辰進士嘉慶戊午代理先  
是乾隆乙卯洋泉習教匪保正羅允興等具報知縣靈  
川下之獄置不理清輪泣任着巡役張榮往探被殺卽  
一面詳請召募鄉勇士民爲守城計官兵至預稟督兵



總憲扎營城外禁兵丁入城滋擾及夥同鄉間打撈軍中肅然石坑渡李七者匪人也乘隙肆擾清輪伴置不問教匪平返行數里許秘差幹役往擒之卽其地延門杖責示衆押收縣監陪斬教匪以警衆稱快時有籍匪偽造詐佔者清輪去任一契不稅曰我不忍以一時之利生後日無窮訟端也蒲民德感再生祖餞時頌聲載道

鄭家屏字葵圃直隸灤州人嘉慶丁卯任政尙嚴肅吏畏民懷邑向無考棚童試几案自行搬辦家屏令禮書分備士子德焉十五年庚午東城樓火捐廉重修又修縣署及延壽寺規模宏整後調黃岡士民思之



師儒

宋

李洪嘉熙三年為學正令尹汪泳肇初學宮洪與直學宋侃陳圭學諭宋德雷益明併謀協力捐帑庾節浮費以成厥美

元

朱公明至正三年為訓導令尹王斌載初學宮公明與學正劉昭董奇發黃元善任其事工成行鄉飲酒禮邑人感化

明

唐岳字孟申平江人僑寓蒲圻其學浩博為文冲澹

蒲圻縣志卷八 師儒

縱逸殊可誦說洪武六年舉明經任本學訓導惓惓訓迪士心翕然

馬敬字文安其先山東人從兄宦遊寓蒲脫略世故邃心於學獨涵理性興之所寓發為詩歌清逸秀拔洪武六年舉明經任本學訓導十八年請老於家祀名宦艾觀字用賓邑人洪武九年舉明經任本學訓導

詳見儒林傳

任時用字行遠邑人洪武十三年任本學訓導性端慤開諭有方十八年覆舉明經授知歸善縣

柳潤民洪武十五年任教諭根究性理開設科條興文教薦士有識



李德庸洪武十八年辟爲本學訓導 詳見文苑傳

朱鑑字用明福建泉州人舉鄉貢永樂十五年任教諭廸教有方學者信孚歲大旱率諸生躬禱大雨如注民賴之奏最拜監察御史累官至都御史

黃純字粹中直隸全椒人永樂十五年舉鄉貢初任輝縣教諭改調蒲圻持已剛毅施教嚴明拜兵科給事中轉江西僉事提督學校

黎公弁字之冕江西臨川人舉明經正統九年授臨穎教諭再諭蒲圻累典文衡博物洽聞課諸生不少倦士習丕變所著蓴川十六詠世傳誦之

蕭子楫江西泰和人舉明經正統十二年任訓導律身

蒲圻縣志卷八 師儒

二

清介誨人恭謹撰蕭堆賦以激勸來學多誦之奏晁遷金華知縣政聲益播

胡實江西南城人舉鄉貢正統十三年任教諭善誘掖士多悅從凡學舍頽圯卽捐俸修葺後遷陝西教授曾鼐字時彥江西泰和人舉鄉貢景泰六年任訓導學優才贍釋疑辨惑諸生多所資益後遷贛榆教諭

鄭肅徽州祁門人舉鄉貢宏治初任教諭天性穎悟學行純篤務汲引後進且周其空乏之士於今稱之

辛懋四川內江人舉鄉貢正德六年任教諭爲人不事矯飾直見本真時訓導某者剛愎肆侮順受不報有長者風其所獎拔多名士後陞鎮江府教授



馬進階四川內江人舉人嘉靖間任教諭性溫和無矯飾嘖笑不苟陞襄陽府同知

林民止福建莆田人鄉貢萬歷初任教諭歷落豪邁能詩善書諸生咸受啟迪居恒鼓琴緝書翛然有遠志登萬歷甲戌進士官至知府祀名宦

馬斯良建水人舉人萬歷中署蒲圻教諭爲人端方簡嘿課士先行誼務以聖賢垂訓士子至今誦之

李世薦麻城人由鄉貢署蒲諭氣節毅然諸生有枉抑事力爲白之不拘小節若無意禮法而大事不踰閑神氣豪舉消人鄙吝任滿擢國博後陞郡丞

蔡士用字汝賢邵陽人萬歷三十四年任縣諭視身耿

蒲圻縣志卷八

師儒

三

介接人和易有禮取予不苟陞德安府授去日祖餞者林立爲豎碑於宮墻道右題曰泮水甘棠謝鵬舉撰記邢懋才黃梅人萬歷間任訓導遇名流悉物色之所得資俸輒以散之諸士識黃圖昇於諸生中期以解額果如其言

周延申蘄水人萬歷中爲蒲訓巨族宿儒慷慨有義氣讀書課士不憚勤苦陞畧陽令

劉秉鈇字寬伯廣濟人萬歷間以貢補蒲圻訓導冲襟素韻不以諸生貧富作青白眼遇博物者輒相與把臂尚論今古尋陞巴東教諭所著有隱奔齋古樂府三晉紀遊及蕤川集行世



李不伐山東壽光人萬歷季以鄉貢署蒲諭性方介遇祭必夙戒竭誠督諸生無少懈捐俸創學署居二年以憂去後遷推官

張存紳字叔行華容人有書癖見金石圖書古文奇字及稗官野史之屬靡不綜洽至六經子史則腹笥便便天啟初以貢補訓導卽首稽清苦日事較讐暇輒跨欵段命一奚童背古錦囊自隨所收多異書著有雅俗稽言尋卒命以所著書枕籍木中士論悼之

黃衷赤字元初直隸宜興人舉人崇禎九年任蒲諭有雋才爲人坦易溫粹造士勤敏時知縣林增志銳意作育衷亦與之同心修飭學宮堂廡俎豆一新林令嘉之

蒲縣志卷八

師儒

四

有記侍父母者耄承歡不怠御史宋薦云衡文士子傾心孝行可表天日青氈中有此真法物矣四年請假歸舒中天字帝初黃岡人由天啟辛酉鄉薦崇禎丁丑諭蒲雅度冲襟獎掖士類無虛日尤以行誼相勸邑屬無不服其德範者辛巳陞國子監學正

國朝

教諭熊世謨字懷菴江陵人順治戊子鄉魁虛衷坦度諸生有執經請益者尤喜爲勸進其樂稱人善不欲聞人過有長者風己亥登進士銓廣西宜山令

程良惺孝感人順治甲午舉人諭蒲丰度端凝褻躬清慎日稽古不屑屑外務其簡重有足風者甲辰登進士



李 偁荆門州人康熙初由歲薦任訓導修學校及一切園垣門屏悉備又特修名宦鄉賢二祠以肅祀典諸不假他手省浮費課實功面給工植藝事以勸居恒課士解經與會風雅多所題詠有名流風味尋奉裁去士子彙詩頌之

李必泰字巖瞻廣濟縣舉人任訓導律身清介尤敦道義論文課士無虛日建廟葺廡百廢具舉勸減隨征費除南關學宮供役咸賴之卒祀名宦



丞尉

唐

李必聞太宗子蜀王愔之後永徽中為縣丞有惠澤擬

諸召父湖北通志

鄭光系滎陽人開元中為縣尉政績卓異湖北通志

宋

舒邦佐字平叔靖安人孝宗時授縣簿勤恪有聲徙潭

之善化處置輸納寄請公帑後調衡州司錄參軍有茶

陵倪氏誣其長邦佐特治其橫湖廣總志舊志作江西清江人

趙方字彥直衡山人淳熙八年進士授縣尉疑獄多

所委決累官刑部尚書京湖制置大使端明殿學士正

蒲圻縣志卷 丞尉

議大夫封長沙縣男寓蒲圻開第於梅隱坊子四人董

蕤范葵

陳慶勉字志問徽州休寧人紹定五年進士淳祐八年

調縣尉湖北漕使蕭逢辰以性資純恪學問老成擢第

二十年一寒自若邑民歎服寓蒲圻四載後轉漕使通

判武岡軍

元

鄧仔至正十五年授丞學優嫻詞令時縣尹王斌修

學宮成仔撰文紀之

侯玉字德潤濟陰人號梅軒至正十八年為縣簿守

已儉約撫民類多仁愛士民頌之後遷建昌經歷舊志